

SA's Leading Past Year

Exam Paper Portal

S T U D Y

You have Downloaded, yet Another Great
Resource to assist you with your Studies ☺

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexamapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LESIBILI LOKWENGEZA (SAL)

IPHEPHA LOKUTHOMA (P1)

NOVEMBA 2021

IMITLOMELO: 80

ISIKHATHI: Ama-iri ama-2

Iphepheli linamakhasi ali-12.

YELELA

1. Iphepheli LINEENGABA EZINTATHU: ISIGABA A, B, kanye NESIGABA C.

ISIGABA A: Ukufunda nokuzwisia	(30)
ISIGABA B: Ukurhunyeza	(10)
ISIGABA C: Izakhi nemithetjhwana yokusetjenziswa kwelimi	(40)
2. Phendula YOKE imibuzo.
3. Thoma ISIGABA ESINYE NESINYE ekhansi ELITJHA.
4. Thalela ngemuva kokuphendula imibuzo yeSIGABA ngaSINYE.
5. Tlola iinomboro zemibuzo njengombana zinjalo ephepheni lemibuzo.
6. Tjhiya umuda owodwa ngemva kwaleyo naleyo pendulo.
7. Peleda amagama ngendlela ekungiyo bewutlole nemitjho ezwakalako.
8. Niyayeleliwa kobana nisebenzise isikhathi ngendlela elandelako:

ISIGABA A: Imizuzu ema-45	
ISIGABA B: Imizuzu ema-20	
ISIGABA C: Imizuzu ema-55	
9. Tlola kuhle nangesandla esibonakalako.

ISIGABA A: UKUFUNDA NOKUZWISISA**UMBUZO 1**

Phendula UMBUZO 1.1 kanye NOMBUZO 1.2.

- 1.1 Funda itheksthi engenzasi bese uphendula imibuzo elandelako.

ITHEKSTHI A**UMTHELELA WE-COVID-19 ESEWULA AFRIKA**

- 1 Umnyaka wee-2020 wathoma ngobuhle kodwana sekwavela ingogwana ye*Corona* eyathinta iSewula Afrika nephasi mazombe. Ingogwana le yagcina ibange ubulwele obungumabhubhisa i-Covid-19. Ukufika kobulwelobu kwabangela bona kube namatjhuguluko amanengi athinta indlela abantu ebaphila ngayo. Kuqakathekile bona sithome 5 ngokuhlathulula bona buyini ubulwele be-Covid-19.
- 2 Abosolwazi babuhlathulula njengomgomani othelelana lula khulu ngombana ungena ngamathosana wamathe lokha umuntu nakakhulumako, nakathimulako nalokha nakazamulako nangabe useduze khulu. Ubungozi babo kukobana nabukungenileko benza bona ubhalelwe kuphefumula nokungikho okwenza umuntu agcine abhubhe msinya. Wathola umuntu anamasotja abuthakathaka buyambulala emalangeni amathathu. Nabungakatjhejwa bugcina bubulala abantu abanengi ngesikhathjhana esincani khulu. 10
- 3 Mhlana amalanga ama-5 kuNtaka emnyakeni wee-2020 uNgqongqotjhe weZepilo uDorh. Zweli Mkhize wabika isehlakalo somuntu wokuthoma otholakele atheleleke ngengogwana ye*Corona* eSewula Afrika. Lesi kusizathu esenza bona iSewula Afrika nayo ithome ihlelo lokuqinteliswa kwamakhampo elibizwa nge*Lockdown* ukuvikela abahlali bayo engogwaneni le. Inarha yabetheka khulu emikhakheni eminengi. Nasiqala iinkolo, ukulahleka kwemisebenzi, ukuwa kwamabhizinisi kube kumbi khulu ngemva kokobana kube ne*Lockdown*. 15
- 4 Abantu azange basavunyelwa bona bahlanganyele ndawonye. Bekunabasebenzi bemikhakha eembadlwana abavunyelwe bona baye emsebenzini. linthuthi zomphakathi zabekelwa bona zilayitjhe abantu abangaki ezinye zangasasebenza. Abafundi balahlekelwa sikhathi sokufunda esinengi. UmNyango wezeFundo walinga ngamandla bona abafundi begreyidi le-7 nele-12 babuyele kokuthoma eenkolweni. Abafundi bamanye amagreyidi baphazamiseka khulu ngombana bahlala isikhathi eside nangemva kokuvulwa kweenkolo ngebanga lemithetho 30 ye*Lockdown*.

- | | | |
|---|---|----|
| 5 | Abantu abanengi abangasebenziko bazithola bangaphasi kwegandelelo khulukhulu ebebaziphilisa ngokuzithengisela okuthileko. Bagcine bahlala emakhaya bangenzi litho. Kuthe nalabo ebebanayo imisebenzi yagcina iphela ngombana amakhamphani ebasebenza kiwo agcine 35 avaliwe ngebanga lokobana imali ayisekho. Lokho kwafaka igandelelo khulu ebantwini. URhulumende wakatelela amakhamphani bona ababhadele ngemali ye- <i>UIF</i> ukuqotjha ukatsu olele eziko lo. Walinga ukusiza abantu abangasebenziko ngokubanikela imali ema-R350,00 umuntu ngamunye bekufike lapho umuntu atjhugulula khona isiquonto. | 40 |
| 6 | Abantu ebekufanele bafunyane imali le babantu abangasebenziko ekunganala bafunyana khona imali. Kuthiwa kufanele kube babantu ebahlangana neminyaka eli-18 ukuya eminyakeni ema-59 ubudala. Ihloso yemali bekungeyokuqinisekisa bona balale badlile nakusaqnteliswe amakhambo enarheni le. | 45 |

[Ithethwe ku-inthanethi yatjhugululewa esiNdebeleni]

- 1.1.1 Tlola bona umnyaka wee-2020 uvezwe njengomnyaka onjani ukuya ngokwetheksthi engehla. (1)
- 1.1.2 Tlola inyanga lapha uNgqongqotjhe wezePilo amemezela khona isehlakalo sokuthoma somuntu otheleleke nge-Covid-19 eSewula Afrika. (1)
- 1.1.3 Veza amagreyidi AMABILI abuyela esikolweni kokuthoma lokha nakuvulwa iinkolo ngokuya ngokwetheksthi engehla. (2)
- 1.1.4 Tlola ibizo nesibongo sikaNgqongqotjhe wezePilo ovezwe esigabeni sesithathu. (2)
- 1.1.5 Ngokurhunyezweko hlathulula ubulwele be-Covid-19 nokobana bungena njani emntwini. (2)
- 1.1.6 Hlathulula lokho okwakufana phakathi kwabantu abasebenzako nabantu abangasebenziko ngesikhathi seLockdown. Ipendulwakho ayibe maphuzu AMABILI. (2)
- 1.1.7 Hlathulula izinto ezenziwa nguRhulumende ukuqinisekisa bona umfundi nakangenako, nakangetlasini nalokha nakaphumako esikolweni ahlale aphephile ekutshwayelekeni ngengongwana yeCorona. Ipendulwakho ayibe maphuzu AMABILI. (2)
- 1.1.8 Ucabanga bona ngimiphi imithetho yeLockdown ekufanele bona ilandelwe khulukhulu eenkolweni ukubalekela ukurhatjheka kwengongwana? Ipendulwakho ayibe maphuzu AMABILI. (2)

- 1.1.9 Ucabanga bona uyokuba yini umphumela wokobana abentwana bavale isikhathi eside kangaka esikolweni emnyakeni wee-2020? (2)
- 1.1.10 Phendula isitatimende esilandelako ngo-IYEnofana AWA bese usekela isiqunto osithathako ngephuzu ELILODWA.
- URhulumende usebenzise imali enengi khulu ukulwisana nobulwele be-Covid-19. (2)
- 1.1.11 Khetha ipendulo enembako kilezi ezingenzasi.
- Ngaphambi kobana iLockdown ifike eleleveleni yesine abantu ...
- A bebasela utjwala.
 B bebabhema.
 C bebaya emnyanyeni.
 D abalidlanzana babuyela emsebenzini. (2)
- 1.1.12 Phendula ngephuzu ELILODWA umkhakha ngamunye.
- Ngokubona kwakho, ucabanga bona uyini unobangela wokobana abasebenzi bemikhakha engenzasi bavunyelwe ukuya emsebenzini ngesikhathi seLockdown nayiselevelini yesi-5?
- (a) Amanesi. (1)
 (b) Abasebenzi beentolo zokudla (1)
- 1.1.13 Tshwaya ngelihlo elibukhali umthelela omuhle olethwe lihlelo le Lockdown. Ipendulwakho ayibe maphuzu AMABILI. (2)

1.2 Qala isithombe esingenzasi bese uphendula imibuzo elandelako.

ITHEKSTHI B

[Sithethwe ku-www.images.com]

- 1.2.1 Tlola bona bangaki abantu obabonako esithombeni esingehla. (1)
- 1.2.2 Veza isenzo esenziwa mumuntu ophakamisa isandla esithombeni esingehla. (1)
- 1.2.3 Ucabanga bona uyini unobangela walokhu okwenzeka ngehla? (2)
- 1.2.4 Ngokubona kwakho ucabanga bona ngikuphi okungenziwa babantu bomthetho ukuvikela umuntu ongakaphakamisi isandla lo esithombeni? Ipendulwakho ayibe liphuzu ELILODWA. (2)

IMITLOMELO YESIGABA A: **30**

ISIGABA B: UKURHUNYEZA**UMBUZO 2**

Fundiswa itheksthi engenzasi bese uyayirhunyeza ngamaphuzu ali-7 amayelana **nesizo elilethwa yi-inthanethi epilweni yabafundi.**

IMIYALO:

1. Amagama angadluli kwama-50.
2. Nombora imitjhawako kusukela kewoku-1 bekufike kewe-7.
3. Umutjho ngaMUNYE owutlolako awube nomqondo OWODWA.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho ngendlela ongakghona ngayo ungabuyeleti utbole okusesirhunyezweni.
6. Tlola inani lamagama owasebenzisileko ekupheleni kwsirhunyezo.

ITHEKSTHI C**ISIZO ELILETHWA YI-IN THANETHI EPILWENI YABAFUNDI.**

Eminyakeni elitjhumi ezako kuyabonakala bona yoke into izabe ilawulwa yi-inthanethi. Amabhanga amanengi ayabakatelela abantu bona bakhulume nemitjhini nabafuna isizo. Amayunivesithi nawo abetha ngenyawo phasi bona umfundu akathinte umtjhinimgqondo nakafuna isizo, alise ukufuna ukuzokuhlala nge-ofisini batjho unomraro. Koke lokhu kwensiwa ngesizo le-inthanethi. I-inthanethi ibonakele nangesikhathi seLockdown bona ilisizo yenza ipilo iragele phambili.

Kade bekutlhagwa umfundu bekakateleka bona aye elayibhrari nakenza imisebenzi yesikolo edinga ilwazi elingeneleleko. Namhlanje basizwa bunzinzolwazi obutholakala nge-inthanethi ukwenza leyomisebenzi. Umfundu uyakghona ukuthintana notijhere ngeenkundla zokuthintana nangabe akakazwisisi ngetlasini. Emazikweni aphakemeko wezefundo abafuni nyawana lomfundu emaqabazinabo, batjho uzokwenza isibawo sokufunda. Boke abenza iimbawo emazikweni la basebenzisa yona i-inthanethi, bebat hole neependulo ezitjhoko bona bayamukelwanofana awa? Abafundi abadobha phasi nabo amabhudangwabo bayawafeza ngombana bayakghona ukuthola ilwazi ku-inthanethi imininingwana yamabhazari afana nabo-NSFAS.

Ngesikhathi seenhlahlubo abafundi sebazi bona iphepha lemibuzzo libaphatheleni ngombana bayakghona ukuhlola weminyaka eyadlulako bona bekanemibuzzo enjani. Lokhu koke bakwenza ngesizo le-inthanethi. Ngeenkundla zokuthintana ezifana neWhatsApp, abafundi bakghona ukwakha iinqhema basizane ngezinto ezimayelana nefundo. Umraro wokutlhayela kweencwadi zeemfundo ezihlukahlukeneko eenkolweni zeSewula Afrika awusese yindaba esemlonyeni ngombana abafundi bakghona ukuzikhupha nge-inthanethi.

[Ithethwe ku-inthanethi yatjhugululelwesiNdebeleni]

IMITLOMELO YESIGABA B:

10

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3**

Qalisa isikhango esingenzasi bese uphendula imibuzo elandelako.

ITHEKSTHI D**UVUMELANI UKUSALELA EMUVA?**

MBATHA ISAMBATHO ESITLOLWE AMAGAMA AFUNWA NGUWE SIMAHLA.

IBabutheni *Printers* ikulethela imisebenzi elandelako:

**Imibandela:**

- Sithengisela abantu abanemyaka ema-20 ukuya phezulu.
- Faka isibawo nangabe wenzisa izinto ezimbili ukuya phezulu.
- Nawuthenga iinkipa ezimbili uthola ingwani yinye simahla.

[Sithethwe ku-www.images.com]

- 3.1 Tlola imibandela EMIBILI etholakala esikhangiswenesi. (2)
- 3.2 Tlola igama lesitolo lapha kutholakala khona imikhiqizo le. (1)
- 3.3 Ngibaphi abantu abangathabela izambatho ezingehla? Ipendulwakho ayibe liphuze ELILODWA? (1)
- 3.4 Sebenzisa igama elithi, 'faka' emutjhweni ozakhele wona liveze umqondo ohlukileko kunalo ovezwe esikhangisweni. (2)

3.5 Khetha ipendulo enembako kezilandelako.

Amagama athi 'Nawuthenga iinkipha ezimbili uthola ingwani yinye simahla' amumethe umqondo welimi ...

- A lokurogela.
- B lokubandlulula.
- C lokuthatha ihlangothi.
- D lokwenzisa.

(2)

3.6 Ngokubona kwakho ucabanga bona mhlobo bani webandlululo osetjenziswe emibandeleni esesikhangisweni esingehla? Sekela isiquonto osithathako ngephuzu ELILODWA.

(2)

[10]

UMBUZO 4

Qalisia ikhathuni engenzasi bese uphendula imibuzo elandelako.

ITHEKSTHI E



[Sithethwe ku-www.images.com]

4.1 Tlola bona igama elithalelwoko lakiwe ngaziphi iinkhekhe zekulumo.

Yelela okulandelako mntwanami.

(2)

4.2 Tlola bona bakuphi abantu abasekhathunini engehla.

(1)

4.3 Veza okubonako okubekwe etafuleni engehla.

(1)

- 4.4 Ucabanga bona uzokwenzani umuntu ojamileko lo kilendawo? Sekela ipendulwako ngephuzu **ELILODWA**. (2)
- 4.5 Hlathulula umqondo welimi elivezwa ligama elithalelwoko emutjhweni ongenzasi bewutjho nokobana lisetjenziswa nakwenzenjani?
- Khupha amehlo enyameni uzizele ngokwakho hle. (2)
- 4.6 Umuntu ongemva kwetafula ekhathunini engehla uhlathulula ukuthini ngamagama athi 'khupha amehlo enyameni'. (2)
- [10]**

UMBUZO 5

- 5.1 Fundisa itheksthi engenzasi bese uphendula imibuzo elandelako.

ITHEKSTHI F

Umyaka wee-2020 ube ngobuhlungu khulu ephasini mazombe. Nawufikako wathatjelwa kwamanikelela bewabizwa bona mnyaka we-20 *plenty*. Sekwavela ingogwana ye-Covid-19 yangena kiyo yoke into yajama tsi. UMengameli wathi, 'Hlalani emakhaya niphume nakunesidingo kwaphela.' Kwaqinteliswa amakhambro, kwahlalelwana maqalanga, kwambathwa 5 amamaski, kwahlanjwa izandla ngamanzi nesibha qobe kusikinyeka. Imiphefumulo eminengi yalotjwa.

Abantu ababhemako nabaselako bazithola sele bagelagela njengukku efuna ukubekela. Alo, bebazozithathaphi iintwezi ngombana ukuthengiswa kwazo bekuvaliwe? Abanengi bagcina sele basela sona isihlanzekiseso 10 ekuhlanjwa ngaso izandla. Ukuziphathaphatha kanengi ebusweni, eempumulweni nemlonyeni nakho kwazilwa. Ubaba uMasilela ovela ngeMalahleni wagcina sele athome ingoma ethi, 'Akhukhambe Covid-19. Thina sidinwe yipenabhula sesifuna amabhiya.' Ingoma le yasatjalaliswa eenkundleni zokuthintana beyagcina irekhodiwe. 15

- 5.1.1 Buyelela utlole umutjho ongenzasi bese utjhugulule igama elithalelwoko liveze ubukhulu obudluleleko.

Ingoma le yasatjalaliswa eenkundleni. (1)

- 5.1.2 Buyelela utlole umutjho ongenzasi uveze ubunye.

Abantu bafuna amabhiya. (2)

- 5.1.3 Buyelela utlole umutjho ongenzasi uveze isikhathi esizako.

Abantu ababhemako bathoga igwayi. (1)

- 5.1.4 Buyelela utlole umutjho ongenzasi bese kuthi egameni elithalelwoko utlole eliphikisana nalo.

Imiphefumulo eminengi yalotjwa. (1)

5.1.5 Buyelela utlole umutjho ongenzasi bese uthoma ngegama elithalelweko.

abantu basela jinhlanzekisi.

(1)

5.1.6 Buyelela utlole umutjho ongenzasi bese unciphise igama elithalelweko.

abantu bagelagela njengekukhu.

(1)

5.1.7 Buyelela utlole umutjho olandelako bese ujamiselela amagama athalelweko ngehathululo yawo.

abantu baloba imiphefumulo.

(1)

5.1.8 Thatha igama elithalelweko emutjhweni ongenzasi ulisebenzise emutjhweni ozakhele wona kuvele enye ihlathululo ehlukileko kile esetheksthini engehla.

Ingoma le yasatjalaliswa eenkundleni zokuthintana beyagcina irekhodiwe.

(2)

5.1.9 Tjhugulula umutjho ongenzasi ube yikulomo engakanqophi.

UMengameli wathi, 'Bantu hlalani emakhaya niphume nakunesidingo kwaphela.'

(2)

5.1.10 Thatha igama elithalelweko emutjhweni ongenzasi ultjhugulule libe ngundaweni bese ulisebenzisa emutjhweni ozakhele wona.

Qobe kusikinyeka kuhlanzwa izandla ngesibha.

(2)

5.2 Qalisisa isithombe esingenzasi bese uphendula imibuzo elandelako.

ITHEKSTHI G

IimBalo zifuna udle amathambo wengqondo ngaphambi kobana utlole ipendulo. Utlhoga ukudla okwehla esiphundu bona ukghone ukuragela phambili nezinye iimfundo.



Utlhoga woke amandla.

[Sithethwe ku-www.images.com]

5.2.1 Khupha isithomo nesiqu sebizo elithalelwoko emutjhweni ongenzasi.

Abafundi badla ukudla kwamadina.

(2)

5.2.2 Buyelela utlole umutjho ongenzasi bese ujamiselela amagama athalelwoko ngegama elilodwa.

Ngekumbeni le kuneentafula neentulo.

(1)

5.2.3 Khetha isabizwana samambala esingajamela ibizo elithalelwoko emutjhweni ongenzasi.

Abafundi batlhoga amandla bona bakghone ukuragela phambili neemfundo:

- A Wakhe
- B Wabo
- C Yona
- D Wona

(1)

5.2.4 Thatha isitjho, 'Ukudla amathambo wengqondo' uzakhela ngaso umutjho kuvele bona uyayazi ihlathululo yaso.

(2)

[20]

**IMITLOMELO YESIGABA C:
INANI LOKE:**

40

80